

قصة رائعة : وعسى أن تكرهوا شيئاً وهو خير لكم للشيخ الحويني

أبو إسحاق الحويني

يعني انا هحكى لكم قصة انا كنت احد اطرافها. في اه شاب كان يعني من اه بلدنا. ده يتيم وكان عنده في القلب وكان عنده تقريبا شبه شلل. ما يعرفش يمسك الكوباية بايده ولا يرفع ولا ينتفع والكلام ده. المهم اه ربنا عز - [00:00:00](#)

قيد له بعض اهل الخير بدأ يعمل علاج طبيعي ويتعالج والكلام ده عوفي. كان سنه تسع سنين لما كان آآ مريض بهذا المرض وهو ابن ثلاثر اربعتاشر سنة. آآ عوفي وبدأ يعني بقى عنده قوة وبتاع. طلع الى آآ بلد من البلاد العربية - [00:00:23](#)

عشان يشتغل في ذلك الوقت وكان بيشتغل في الاسمنت في البناء يشيل القصة في المونة ويطلع الدور اللي مش عارف ايه ده سبحان من يحيي العظام وهي رميم. هذا الشاب - [00:00:44](#)

لم يترك فاحشة الا فعلها. في هذا البلد. يبقى عجزه كان رحمة ولا لأ؟ عجزه كان رحمة العجز عن معصية الله نعمة كما قال صلى الله عليه وسلم يأتي على الناس زمان يخير ما بين العجز والفجور - [00:00:57](#)

اذا خير احدكم بين العجز والفجور فليختر العجز جدالة لو كان فضل على كرسي طول عمره كده كان احمد لعاقبته مثلا على الاقل فيما يظهر يعني لنا من ارتكاب الفواحش والى اخره. فيبقى - [00:01:17](#)

الانسان اذا اصابته مصيبة في نفسه او في ولده او في ماله. فقال لعله خير انقلب ذلك الى رضا وهو ده الواجب. انا عند ظن عبدي بي فليظن بي ما شاء. كنت تظن انه سيسحقك سيكون لك عند ظنك - [00:01:33](#)

ان كنت تظن انه سيرحك سيكون لك عند عند ظنك. بعض الصحفيين المشهورين آآ قرأت له مقالا سنة اربعة من ايام ما كان فيه كاس العالم ما بين هولندا والمانيا والكلام ده. وهو بقى كصحفي يعني كبير صاحب مؤسسة صحفية كبيرة والكلام ده. اما - [00:01:56](#)

زي بقية الناس يعني. بيروح على اخر لحظة يركب يعني المهم برضو معتمد على القصة دي وبتاع المهم ايه الكاوتش فرقع في السكة منه على السائق نزل وصلح الكاوتش وعمل وبتاع والكلام ده - [00:02:16](#)

الطائرة ماشية على المدرج بقى عشان تطير. فرجع بقى كاسف البال وحزين وهيبقى زي الجمهور هيشوف الايه؟ يشوف بقى الماتش زي خلق الله في التليفزيون وبتاع زعلان كان عايز يشوفه شخصيا. يشوف الماتش شخصيا. يقعد في المدرجات والكلام ده. المهم طبعا ايه شاف الماتش وبتاع والكلام ده وهو طبعا الساعة ستة - [00:02:31](#)

قبل كل الموظفين بيكون هو موجود في الدار بيلقي العدد الاول محطوط على المكتب بتاعه والكلام ده واذا به يجد في الصفحة الاولى ان الطائرة التي كان سيريد ان انتقلها ارتطمت بجبل من الجبال ومات كل من فيها. قال احمدك يا رب. الله! ليه ليه الانسان لا يؤمن حتى يرى حتى يرى العذاب الاليم - [00:02:51](#)

الواحد يجلل هذا الكلام مع حسن الظن في الله عز وجل. سوء الظن في الله. ما هو ده من الكفران. فهذا من الكفران كل مصيبة المت بك فجلتها بحسن الظن انقلبت رضا - [00:03:11](#)

وكانت بركة عليك. مع ان المصيبة اذا الله عز وجل ابتلى عبدا بمصيبة تتمخض عن خير تتمخض عن خير. انا اقول لكم حكاية حدثت لي رجل اعرفه. الرجل ده ماتت امرأته - [00:03:27](#)

وبعدين خرج من القاهرة زاهب الى الاسكندرية علشان يقضي مشوار. وهو في الطريق عمل حادث ضرب بنت في الطريق البنت ما ماتت المهم خدوه لقسم الشرطة وبتاع بات ليلة فزعلان جدا وبتاع - [00:03:44](#)

انه يعني اتبهدل يعمل الكلام ده فراح عشان ياخذ مسكنه في القاهرة عشان يجيب بعض اوراق آآ علشان يكمل يعني المشوار وجد
سقفة غرفة النوم سقط على السرير. ده لو بايت ليلتها ده ده ما عندوش حد ولاده متجوزين ومراته ماتت وهو لوحده - [00:04:03](#)
ده كان عفن ما كانوش اكتشفوا اكتشفوا ان هو مات الا اما تطلع ريحته فلما رأى المنظر خر ساجدا ان ربنا انجاه. طب ما تخر ساجدا
من الاول. يعني مش لازم تحصل كارثة عشان تعرف ان الله لطيف. ان الله لطف - [00:04:27](#)